



BOSNA I HERCEGOVINA
FEDERACIJA BIH
TUZLANSKI KANTON
MINISTARSTVO ZA BORAČKA PITANJA



BOSNIA AND HERZEGOVINA
FEDERATION OF B&H
TUZLA CANTON
MINISTRY OF VETERANS AFFAIRS

Ul. Maršala Tita br.: do 34. 75000 Tuzla, BiH, Tel.: (+387) 35 369 401, Fax: 369 405, e-mail: minbp@tk.kim.ba, website www.vladatk.gov.ba

UPUTA ZA PODNOSITELJE PRIJAVE

na Ponovljeni javni konkurs za dodjelu stipendija redovnim/samofinansirajućim studentima dodiplomskog studija iz reda branilačke populacije Tuzlanskog kantona za studij u akademskoj 2025/2026. godini objavljen 15.07.2026. godine na internet stranici Vlade Tuzlanskog kantona

1. Opis Programa

Odredbom člana 20. Zakona o dopunskim pravima branitelja/branilaca i članova njihovih obitelji/porodica-treći prečišćeni tekst („Službene novine Tuzlanskog kantona“, br. 8/26 - u daljem tekstu: Zakon) propisano je da dijete poginulog, umrlog i nestalog branioca, ratni vojni invalid, dobitnik ratnog priznanja i odlikovanja, demobilisani branilac, dijete ratnog vojnog invalida/dobitnika ratnog priznanja i odlikovanja/demobilisanog branioca, ima prioritet prilikom odobravanja stipendija, tokom redovnog studiranja/školovanja, u skladu sa propisom iz stava (3) istog člana, odnosno u skladu sa porodica - treći prečišćeni tekst („Službene novine Tuzlanskog kantona“, broj: 8/26), odredbe člana 17. Odluke o utvrđivanju uslova, ograničenja, kriterija i postupka dodjele stipendija braniocima Bosne i Hercegovine i djeci branilaca („Službene novine Tuzlanskog kantona“, broj: 5/24, 5/26 i broj: 02/1-04-005539/26 od 14.07.2026. godine - u daljem tekstu: Odluka).

Program dodjele stipendija ima za cilj pružanje finansijske podrške studentima dodiplomskog studija iz reda branilačke populacije, radi unapređenja njihovog obrazovanja i stvaranja boljih uslova za završetak studija.

Dodjelom stipendija doprinosi se poboljšanju socijalnog položaja studenata iz branilačke populacije i podsticanju njihovog akademskog napretka.

2. Ciljevi Programa

Opći cilj Programa je podrška obrazovanju studenata iz reda branilačke populacije.

Posebni ciljevi su:

- unapređenje dostupnosti visokog obrazovanja studentima iz branilačke populacije
- poboljšanje socijalnog položaja studenata i njihovih porodica
- podsticanje akademskog uspjeha i završetka studija.



3. Ukupna vrijednost Programa

Ukupna sredstva za dodjelu stipendija utvrđena su odredbom člana 10. stav (2) tačka a) Programa korištenja sredstava za realizaciju dopunskih prava i ostalih izdvajanja sa kriterijima za raspodjelu korisnicima boračko - invalidske zaštite u 2026. godini, a nakon okončanog javnog konkursa predmet raspodjele po ponovljenom javnom konkursu je 408.700,00 KM (slovima: četirstoosamhiljadasedamsto i 00/100 KM) za isplatu stipendija redovnim/samofinansirajućim studentima za studijsku 2025/2026. godinu.

Visina pojedinačne stipendije iznositi će 1.620,00 KM (slovima: jednahiljada šeststotinadvadeset i 00/100 KM), za akademsku 2025/2026. godinu.

4. Potencijalni podnosioci prijave

Tačka I Ponovljenog javnog konkursa za dodjelu stipendija redovnim/samofinansirajućim studentima dodiplomskog studija iz reda branilačke populacije Tuzlanskog kantona za studij u akademskoj 2025/2026. godini (u daljem tekstu: Konkurs).

5. Uslovi za ostvarivanje prava

Tačka II Konkursa (Uslovi za podnošenje prijave).

6. Ograničenje prava na podnošenje prijave

Tačka III Konkursa.

7. Opis postupka podnošenja prijave na Konkurs

Prijava se podnosi na obrascu (**Aneks VII**) koji je kao obrazac prijave na Konkurs propisan Odlukom i koji je sastavni dio Odluke i konkursne dokumentacije. **Prijava mora biti uredno popunjena i potpisana od strane podnosioca.**

Odlukom se razlikuju dvije vrste lica koja mogu podnijeti prijavu u ovisnosti od čega isti podnose različitu dokumentaciju uz prijavu na Konkurs:

I Grupa

Lice čija je prijava po ranije okončanom javnom konkursu za dodjelu stipendije redovnom/samofinansirajućem studentu dodiplomskog studija za studij u akademskoj 2025/2026. godinu bila neblagovremena ili nekompletna ili neosnovana. Navedeno lice na Konkurs dostavlja prijavu na ponovljeni javni konkurs za dodjelu stipendije (Anex VII) i nedostajuću dokumentaciju evidentiranu na Listi lica u statusu studenta za dodjelu stipendija za akademsku 2025/2026 godinu, čije su prijave odbačene kao nekompletne, neblagovremene ili odbijene kao neosnovane, broj: 15/1-11-016734/26 od 22.05.2026. godine.

Lice je obavezno na prijavi zaokružiti ponuđenu opciju da je učestvovalo u proceduri po okončanom javnom konkursu navedenu pod brojem 1. u napomeni napisanoj poslije potpisa na prijavnom obracu.



II Grupa

Lice koje nije učestvovalo u proceduri po ranije okončanom Javnom konkursu za dodjelu stipendije redovnom/samofinansirajućem studentu dodiplomskog studija za studij u akademskoj 2025/2026. godinu. Navedeno lice uz prijavu na ponovljeni javni konkurs za dodjelu stipendije (Aneks VII) prilaže dokumentaciju iz Anketa II i izjavu iz Anexa III, koja ne može biti starija od 30 dana od dana objave ponovljenog javnog konkursa, izuzev dokumentacije iz tačke 3. navedene u Aneksu II. Izjava iz Anexa III mora biti ovjerena od strane nadležne gradske/općinske službe ili kod ovlaštenog notara. Lice je obavezno na prijavi zaokružiti ponudenu opciju da nije učestvovalo u proceduri po okončanom javnom konkursu navedenu pod brojem 2. u napomeni napisnoj poslije poslije potpisa na prijavnom obracu.

Navedeno lice prilikom podnošenja prijave na Konkurs shodno odredbi člana 18a. Odluke, dostavlja samo prijavu na propisanom obrascu Aneks VII i isto nije obavezno uporedo dostavljati i prijavu na Anex I koja je navedena u popisu potrebne dokumentacije. (Navedeni izuzetak se odnosi samo na Anex I, ostala dokumentacija se dostavlja kao obavezna shodno odredbama Odluke).

Popunjena i potpisana jednoobrazna prijava na Konkurs sa potrebnom dokumentacijom, podnosi se u zatvorenoj koverti, **u roku od 8 dana od dana objavljivanja Konkursa**, na pisarnicu Ureda za zajedničke poslove kantonalnih organa uprave ili preporučeno putem pošte na adresu Ureda za zajedničke poslove kantonalnih organa uprave, ul. Fra Grge Martića broj 8, 75000 Tuzla [sa naznakom]

Ministarstvo za boračka pitanja Tuzlanskog kantona

“Prijava na ponovljeni javni konkurs za dodjelu stipendije redovnom/samofinansirajućem studentu dodiplomskog studija za studij u akademskoj 2025/2026. godinu“

8. Dodatne informacije

Ukoliko su licima zainteresovanim za podnošenje prijave na Konkurs potrebne dodatne informacije i pojašnjenja, mogu kontaktirati Ministarstvo za boračka pitanja Tuzlanskog kantona putem telefona: 035/369-417, **najkasnije do 3 (tri) dana prije zatvaranja Konkursa.**

9. Opis postupka administrativne provjere (selekcije) prijava

Nakon isteka roka za podnošenje prijave vrši se administrativna provjera pristiglih prijava, kojom se utvrđuje:

- blagovremenost prijave
- potpunost dokumentacije
- ispunjavanje formalnih uslova propisanih konkursnom dokumentacijom.

Neblagovremene i nekompletne prijave neće se uzeti u razmatranje.



O nepotpunim, neblagovremenim i neosnovanim prijavama, lica se obavještavaju isticanjem zasebnih listi.

10. Kriteriji za bodovanje

Tačka IV Konkursa.

11. Izbor lica bez bodovanja

Tačka V Konkursa.

12. Postupak bodovanja i odabira kandidata

Preliminarna rang lista utvrđuje se na osnovu ostvarenog broja bodova utvrđenog po osnovu kriterija iz tačke IV Konkursa, kako slijedi:

a) ostvarenog uspjeha u prethodnoj studijskoj godini (max broj bodova 50, min broj bodova 10)

Pod prosjekom ocjena podrazumijeva se prosjek ocjena koje lice ima u prethodno završenoj godini redovnog studiranja na visokoškolskoj ustanovi, a u slučaju upisa prve godine fakulteta pod prosjekom ocjena podrazumijeva se prosjek ocjena koje je lice ostvarilo u prethodne četiri godine redovnog školovanja.

b) imovinskog cenzusa (max broj bodova 40, min broj bodova 20),

Pod članom porodičnog domaćinstva podrazumijevaju se roditelji, očuh, maćeha, usvojitelj, staratelj, braća i sestre, ako sa studentom žive u zajedničkom domaćinstvu i bračni partner osobe koja podnosi prijavu. Ukupan prihod čine prihodi koje članovi porodičnog domaćinstva ostvaruju po osnovu plaća i drugih primanja iz radnog odnosa (izuzev naknade za topli obrok i prijevoz), starosne, invalidske i porodične penzije, privredne, uslužne i druge djelatnosti, izuzev novčanih primanja po osnovu branilačko-invalidske i socijalne zaštite.

c) boračkog statusa (max broj bodova 50, min broj bodova 10),

Ukoliko lice koje podnosi prijavu ima i drugog roditelja/staratelja iz reda branilačke populacije, pripada mu još polovina bodova utvrđenih Odlukom.

d) ratnih priznanja i odlikovanja (max broj bodova 10, min broj bodova 2) i

e) osvojenih nagrada i plaketa (max broj bodova 10, min broj bodova 5).

Bodovi po osnovu osvojenih nagrada osobi u statusu studenta pripadaju po osnovu osvojenih nagrada i priznanja isključivo iz prethodne godine redovnog školovanja.

Izbor lica bez bodovanja vrši se shodno odredbi tačke V Konkursa.

13. Prioritet pri jednakom broju bodova

Tačka VI Konkursa.

14. Način ocjenjivanja prijava

Ocjenjivanje prijava vršit će Komisija za razmatranje prijava za dodjelu stipendija braniteljima Bosne i Hercegovine i djeci branitelja za studijsku/školsku 2025/2026. godinu po ponovljenim javnim konkursima, imenovana Rješenjem Ministarstva za boračka pitanja



Tuzlanskog kantona, broj: D-15/1-04-005539-1/26 od 14.07.2026. godine. Komisija ima 5 (pet) članova, a čine je uposlenici Ministarstva za boračka pitanja TK i predstavnici kantonalnih boračkih saveza od posebnog društvenog interesa. Komisija će, nakon provjere prihvatljivosti (blagovremenost i potpunost prijave), ispunjenosti propisanih uslova i kriterija propisanih Odlukom, iste ocijeniti i rangirati. Ocjena prijave bit će izvršena u skladu sa kriterijima iz tačke IV Konkursa, u vezi sa tačkom 12. ovih Uputa. Komisija će vrednovati zaprimljene prijave prema utvrđenim kriterijima sa pripadajućim brojem bodova, tako što će se za svaki kriterij pojedinačno dodijeliti propisani broj bodova, te utvrditi ukupan zbir bodova o čemu će se sačiniti zapisnik koji potpisuju svi članovi Komisije.

15. Prihvatljivi troškovi

Dodijeljena sredstva predstavljaju stipendiju za finansijsku podršku studentima tokom studiranja u akademskoj 2025/2026. godini.

16. Neprihvatljivi troškovi

S obzirom da je riječ o stipendiji koja se dodjeljuje fizičkim licima kao finansijska podrška tokom studiranja, sredstva se ne dodjeljuju za finansiranje projekata, investicija ili drugih programskih aktivnosti.

17. Obavještenje o rezultatima Konkursa

Po okončanju Konkursa, Komisija je dužna razmotriti sve prijave u pogledu njihove blagovremenosti, potpunosti i osnovanosti, te utvrditi ukupan broj bodova za svako lice čija je prijava blagovremena, potpuna i osnovana.

Komisija radi na sjednicama i za svoj rad odgovara Ministru.

Komisija je dužna najkasnije u roku od 30 dana od dana isteka roka za podnošenje prijave, sačiniti preliminarnu rang listu lica u statusu studenta čije su prijave blagovremene, kompletne i osnovane.

Preliminarna rang lista obavezno sadrži: prezime i ime lica, broj bodova po svakom kriterijumu u zavisnosti od vrste prijave, ukupan broj bodova, potpise i datum kada su ovjerene potpisima članova Komisije, datum objavljivanja liste, pouku o pravu podnošenja prigovora, a mogu sadržavati i druge elemente.

O prijavama koje su neblagovremene, nepotpune i neosnovane sačinjavaju se posebne liste, a iste obavezno sadrže: prezime i ime, razloge zbog kojih su prijave neblagovremene, nepotpune i neosnovane, potpise i datum kada su ovjerene potpisima članova Komisije, datum objavljivanja liste, pouka o pravu podnošenja prigovora, a mogu sadržavati i druge elemente.

Preliminarna rang lista objavljuje se na službenoj web stranici Vlade Kantona odnosno Ministarstva za boračka pitanja TK.

18. Prigovor

Podnosioci prijave čije prijave nisu odabrane za dodjelu sredstava, mogu podnijeti prigovor na preliminarne rang liste u roku od 8 dana od dana objave liste na službenoj web stranici Vlade

Kantona odnosno Ministarstva. Pisani prigovor se podnosi Ministarstvu, sa jasnim obrazloženjem razloga za podnošenje prigovora.

Prigovore razmatra i o istima odlučuje Ministar za boračka pitanja TK u roku od 15 dana od isteka roka za prigovore.

19. Konačna rang lista

Nakon razmatranja prigovora, Ministar utvrđuje konačnu rang listu kandidata koji ostvaruju pravo na stipendiju. Konačna rang lista odabranih aplikanata bit će objavljena na službenoj web stranici Vlade Kantona odnosno Ministarstva.

20. Opis postupka ugovaranja

Na osnovu zapisnika o radu Komisije i konačne rang liste odabranih aplikanata iz tačke 19. ove Upute, Ministar za boračka pitanja potpisuje sa licima sa konačne liste ugovor o stipendiranju kojim će se regulisati međusobna prava i obaveze ugovornih strana.

21. Gubitak prava na stipendiju i povrat stipendije

Tačka VIII Konkursa.

22. Potrebna dokumentacija

Navedeno pod tačkom IX Konkursa.

23. Nacrt ugovora

Broj: _____
Tuzla, _____ . godine

Na osnovu odredbe člana 22. Odluke o utvrđivanju uslova, ograničenja, kriterija i postupka dodjele stipendija braniocima Bosne i Hercegovine i djeci branilaca ("Službene novine Tuzlanskog kantona", broj: 5/24, 5/26 i broj: 02/1-04-005539/26 od 14.07.2026. godine) i Konačne liste lica studenata po ponovljenom javnom konkursu za dodjelu stipendija redovnim/samofinansirajućim studentima dodiplomskog studija iz reda branilačke populacije Tuzlanskog kantona za akademsku 2025/2026. godini, broj: _____ od _____ godine

ugovorne strane:

1. Ministarstvo za boračka pitanja Tuzlanskog kantona, Tuzla ulica Maršala Tita do broja 34., koje zastupa ministar Senada Dizdarević, dipl. pravnik (u daljem tekstu: Ministarstvo) i



2. _____ iz _____ (u daljem tekstu: Lice), zaključili su

UGOVOR O DODJELI STIPENDIJE

-za akademsku 2025/2026 godinu-

Član 1.

Na osnovu Konačne rang liste lica studenata za dodjelu stipendija za akademsku 2025/2026. godinu, broj: _____ od _____ godine, Lice je steklo pravo na dodjelu stipendije za predmetnu studijsku godinu.

Član 2.

Ministarstvo će stipendiju za akademsku 2025/2026. godinu, Licu isplatiti u ratama u ukupnom iznosu 1.620,00 KM (slovima: jednahiljadašeststotinadvadeset i 00/100 KM), ovisno od priliva sredstava u Budžetu Tuzlanskog kantona, na račun Lica otvoren kod banke.

Član 3.

Stipendija je nepovratna ukoliko Lice redovno ispunjava svoje fakultetske obaveze, shodno propisima koji regulišu predmetnu oblast.

Član 4.

Lice gubi pravo na dalju isplatu stipendije i ima obavezu vraćanja cjelokupnog iznosa primljene stipendije ako u toku akademske godine:

- a) bude upućen na izdržavanje kazne zatvora u trajanju dužem od tri mjeseca,
- b) bude mu izrečena disciplinska mjera isključenja sa univerziteta,
- c) redovno ne upiše semestar,
- d) po nekom drugom osnovu mu prestane status redovnog studenta,
- e) počne da prima stipendiju od drugog davaoca stipendije, od dana početka primanja stipendije i
- f) naknadno se utvrdi da su prilikom prijave na konkurs od strane Lica iznesene netačne činjenice u pogledu materijalnog stanje Lica i članova porodice, izjave da ne prima stipendiju iz drugog izvora, lažna dokumentacija i dr.

Član 5.

(1) Lice, kao potpisnik Ugovora dužno je prijaviti svaku nastalu promjenu iz člana 4. ovog Ugovora, u roku od 15 dana od dana nastale promjene.



(2) U slučajevima iz člana 4. ovog Ugovora, Lice kao potpisnik Ugovora, dužno je vratiti cjelokupan iznos primljenih sredstava, osim u slučajevima gubitka prava na dalju isplatu stipendije iz razloga propisanih u članu 4. tački c) i d) ovog Ugovora koji su nastali zbog više sile koja je dovela do onemogućavanja ili ometanja izvršenja obaveza iz Ugovora.

(3) Viša sila podrazumijeva ekstremne i vanredne događaje koji se nisu mogli predvidjeti, izbjeći i otkloniti i koji su se dogodili bez volje i uticaja strana u ugovoru.

(4) Višom silom mogu se smatrati poplave, zemljotresi, požari, politička zbivanja (rat, neredi većeg obima, štrajkovi), nesposobnost, teška bolest, invalidnost.

Član 6.

(1) U svim slučajevima gdje Lice dobrovoljno ne izvrši povrat isplaćenih stipendija, zbog nastupanja okolnosti iz člana 4. ovog Ugovora, Ministarstvo je obvezno pokrenuti postupak pred nadležnim sudom u cilju povrata stipendija uz pripadajuću zakonsku kamatu.

(2) Sredstva iz stava (1) ovog člana, vraćaju se na račun Budžeta Tuzlanskog kantona.

Član 7.

U slučaju spora između ugovornih strana, stvarno je nadležan sud u Tuzli.

Član 8.

Ovaj Ugovor je sačinjen u dva istovjetna primjerka od kojih svaka ugovorna strana zadržava po jedan primjerak.

POTPISNIK UGOVORA

MINISTAR

mr. Senada Dizdarević

LK broj: _____

**MINISTARSTVO ZA BORAČKA PITANJA
TUZLANSKOG KANTONA**